




DINA IA DIHO NEGANAI IESU ITA LALOA

Buka Namba 1



DINA IA DIHO NEGANAI IESU

ITA LALOA

This book is a translation
from the English. World
copyright belongs to C.L.C.
London.

All rights reserved

1963

Unevangelized Fields Mission Press
Port Moresby

**DINA IA DIHO
NEGANAI IESU ITA
LALOA**

By
F. J. BARFF, M.A.

Translated into Police Motu

**CHRISTIAN LITERATURE CRUSADE
Port Moresby
Papua**

1. Duahia.

2. Laloa.

3. Guriguri.

CONTENTS

PAGE

- 9 Lohiabada Ena Guriguri (1).
- 10 Lohiabada Ena Guriguri (2).
- 11 Guriguri Hadokoa Lasi.
- 12 Sibodia Idia Hereva Hereva, "Itaia,
Nihi Kava Tauna Ia Mai."
- 13 "Edeseni Oi Noho?"
- 14 Helalo Kerehai.
- 15 Oi Vairamu Ai Egu Dika.
- 16 Dibura Ruma Amo Ia Lao.
- 17 Davana Eiava Harihari.
- 18 "Iesu Ita Itaia Noho."
- 19 Lohiabada, Oi Hamaurigu.
- 20 Iboudiai Idia Dika Karaia Vadaeni.
- 21 Dirava Natuna Ia Lalokau Henigu Bona
Sibona Ena Mauri Ia Henia Lau Dainai.
- 22 Gaukara Be Ore Vadaeni.
- 23 Rarana Be Toa Ta Oi Dekenai.
- 24 Idia Hadarerea Mamoe Rarana Amo.
- 25 Iseda Gabu Ia Abia.
- 26 Keriso Lalonai.
- 27 Mai Lalomu Idoinai.
- 28 Lau Lasi, Keriso Sibona.
- 29 Edia Ura Ia Karaia.
- 30 Hedibagani Amo Ia Kwalimu Tauna Be Moale.
- 31 "Tamagu, Oi Gwaudia Tao,
Badina Idia Diba Lasi."
- 32 Lau Oi Badinagu.
- 33 Huahua Gogo Negana.
- 34 Rigi Utu-utu.
- 35 Lau Be Tanobada Ena Diari.
- 36 Ita Raka Diari Lalonai.
- 37 Umui Be Lau Turagu.
- 38 Inai Gaudia Umui Gwauraidia Hedinarai.
- 39 Momokani, Kara Haraga Lau Mai.

CONTENTS

PAGE	
1	Introduction
2	Chapter I
3	Chapter II
4	Chapter III
5	Chapter IV
6	Chapter V
7	Chapter VI
8	Chapter VII
9	Chapter VIII
10	Chapter IX
11	Chapter X
12	Chapter XI
13	Chapter XII
14	Chapter XIII
15	Chapter XIV
16	Chapter XV
17	Chapter XVI
18	Chapter XVII
19	Chapter XVIII
20	Chapter XIX
21	Chapter XX
22	Chapter XXI
23	Chapter XXII
24	Chapter XXIII
25	Chapter XXIV
26	Chapter XXV
27	Chapter XXVI
28	Chapter XXVII
29	Chapter XXVIII
30	Chapter XXIX
31	Chapter XXX
32	Chapter XXXI
33	Chapter XXXII
34	Chapter XXXIII
35	Chapter XXXIV
36	Chapter XXXV
37	Chapter XXXVI
38	Chapter XXXVII
39	Chapter XXXVIII
40	Chapter XXXIX
41	Chapter XL
42	Chapter XLI
43	Chapter XLII
44	Chapter XLIII
45	Chapter XLIV
46	Chapter XLV
47	Chapter XLVI
48	Chapter XLVII
49	Chapter XLVIII
50	Chapter XLIX
51	Chapter L
52	Chapter LI
53	Chapter LII
54	Chapter LIII
55	Chapter LIV
56	Chapter LV
57	Chapter LVI
58	Chapter LVII
59	Chapter LVIII
60	Chapter LIX
61	Chapter LX
62	Chapter LXI
63	Chapter LXII
64	Chapter LXIII
65	Chapter LXIV
66	Chapter LXV
67	Chapter LXVI
68	Chapter LXVII
69	Chapter LXVIII
70	Chapter LXIX
71	Chapter LXX
72	Chapter LXXI
73	Chapter LXXII
74	Chapter LXXIII
75	Chapter LXXIV
76	Chapter LXXV
77	Chapter LXXVI
78	Chapter LXXVII
79	Chapter LXXVIII
80	Chapter LXXIX
81	Chapter LXXX
82	Chapter LXXXI
83	Chapter LXXXII
84	Chapter LXXXIII
85	Chapter LXXXIV
86	Chapter LXXXV
87	Chapter LXXXVI
88	Chapter LXXXVII
89	Chapter LXXXVIII
90	Chapter LXXXIX
91	Chapter LXXXX
92	Chapter LXXXXI
93	Chapter LXXXXII
94	Chapter LXXXXIII
95	Chapter LXXXXIV
96	Chapter LXXXXV
97	Chapter LXXXXVI
98	Chapter LXXXXVII
99	Chapter LXXXXVIII
100	Chapter LXXXXIX
101	Chapter LXXXXX

DINA NO. 1.

Mataio 6: 9 - 10.



Lohiabada Ena Guriguri 1.

Iesu ese ena hahediba memero ia hadibadia guriguri ta. "Tamamai, Oi noho Gubai" idia noia. Inai guriguri matamanai be gau toi ia hadibada. Bema ita be Ia natuna korikori, bona Dirava ita ura henia, inai gau toi ita ura bada ita karaia:-


1. "Oi ladamu be Helaga" Ita Dirava lalokau henia bona matauraia, Ena kara, bona Ena havaraia gaudia iboudiai.

2. "Emu basileia do ia mai". Ita Dirava Ena basileia habadaia daladia ita do tahua. Basileia ita habadaia lalodai guna, gabeai ita turada dekediai, gabeai tanobada idoinai.

3. "Emu ura do idia karaia". Iseda ura ita do karaia lasi, to Dirava Ena ura mo. Dirava be mai Ena ura eda mauri ta ta ai. Vadaeni, namona be Ena ura ta ta ita do karaia.

Ina gau toi, guba noho taudia iboudiai idia karaia nega ibounai, to tanobada noho taudia tamona tamona mo idia karaia. Ita guriguri inai bamona, "Oi ladamu be helaga tanobadai, ia Helaga Gubai bamona, Emu basileia do mai tanobadai, Guba basileia hegeregere, Emu ura do idia karaia tanobadai, Gubai idia karaia hegeregerena".

Inai gaudia oi karaia? Bema lasi, badina be oiemu lalokau be hegeregere lasi. Hari oi Dirava noia, Ia ese emu dika ia gwauatao, bona Ia ese durumu oi lalokau henia mai lalomu idoinai.



DINA NO. 2.

Mataio 6: 11 - 13.

Lohia-bada Ena Guriguri

Gau toi oi tamamu ia karaia oi dekemu ai, bona la noho Gubai Tamada ita noia inai gau toi hegeregere la karaia ita eda.

1. Ia ubuda. Ita noia, "Amai aniani mani oi henimai" Dirava ese tauanida la ubudia, bona lau-mada danu la ubudia. Iesu ia gwau "Lau be Mauri Anianina." Ita Iesu laloa, eiava ena sivarai ita duahia negadiai, vadaeni laumada ita ubudia.

2. Ia gwauda tao. Ita noia, "Emai dika mani oi gwauatao, haida idia hadikamai, ai gwaudiatao hegeregere. Badina bema taunimanima ta ita gwauatao lasi, Dirava ena gwauataona ita noia be anina lasi. Dirava ena gwauataona be ihanamona gauna hereada-ena la henida. Eda Mauri ai gau hereadaena be inai. Gwauataona bema lasi, mauri hanai hanai danu lasi.

3. Ia gimada. Ita noia, "Hedibagani ai mani oi hakaumai lasi, dika amo mani oi gimamai. Nega momo, dika bona hedibagani idia kau neganai ita itaia lasi, badina ita matakepulu dainai. Nega momo Satani ia koida. Ia koida gabuna ita raka vareai haraga! To Iesu ese dala vairana la itaia, dika iboudiai la dibadia. Ia ese dika iboudiai amo, do ia hakauda namonamo bema eda kamoni hegeregere.

Ita namo lasi inai gau namodia la henida, to Ena harihari bada bona hebogahisi bada herea dainai, la henida mai moalena ida. Ena dagi be inai ihanamoda gaudia la henida.

DINA NO. 3.

1 Tesalonika 5: 17.




Guriguri hadokoa lasi

O, umui gwau, "lau karaia diba lasi. Nega idoinai lau guriguri diba lasi, badina be gaukara momo dainai." Momokani, mai emu gaukara momo. To Paul ia gwau, "Guriguri nega idoinai" neganai, ena hereva be mai anina. Anina be dahaka, oi laloa?

Lau laloa anina be inai. Iesu be nega idoinai Ia noho ita ida; bona eda lalohadai Ia diba. Una dainai, ita laloatao Iesu ese eda lalohadai ta ta Ia kamonaidia, vadaeni, lalohadai ta ta ese be do ia guriguri ta **halaoa**. Eda lalohadai Ia kamonaidia noho.

Emu lalohadai oi hadoka diba? Oi karaia toho. Gau lasi oi laloa. Oi karaia diba? Inai be auka herea. Badina be oi helalo. Helalo oi hadokoa lasi, ani? Bema nega idoinai oi laloatao Iesu ese emu lalohahai Ia kamonaidia, vadaeni oi ese guriguri oi hadokoa lasi, danu.

Nega haida oi ura lasi Iesu ia diba oiemu lalohadai, badina be oiemu lalohadai be mai kerere. To Ia be Hahemauri Tauna hereadaena. Ia hegeregere iseda lalohadai hehunidia gaudia ia hageovaia. Taunabunai oi laloatao Iesu ese oiemu lalohadai iboudiai Ia kamoni, bona guriguri hadokoa lasi kara oi badinaia.



DINA NO. 4.

Genese 37: 19.

**Sibodia idia hereva hereva,
"Itaia, nihi kava tauna ia mai."**

Aonega tauna ta ia gwau, "gau hereadaena be lalohadai!" Gau momokanina ta be Dirava ese hari hari gauna ta Ia henida. Gauna be laloda ai laulau ita laloa diba, ena be inai gau matada dekenai ita itaia lasi, bona taiana dekenai ita kamoni lasi.

Harihari gaudia iboudiai hegeregeregia, inai gauna be mai anina, bona ita gaukaralaia maoro eia-va ita gaukaralaia kerere diba. Tau ta bema motuka maragina (gadara gauna) ia henimu, bema oi heaulaia inai be maoro. To, bema football bamona oi kiki kava, inai be kerere.

Iseda lalohadai be inai bamona. Iseda lalohadai ita gaukaralaia maoro, namo, to ita gaukaralaia kerere inai be namo lasi. Bema iseda lalohadai be lahedo, inai be "ita nihi dina negana" bamona, inai be kerere. Dala inai bamona oiemu nega oi negea kava, bona oiemu gaukara korikori oi laloaboio.

To inai harihari gauna oi gaukaralaia maoro diba. Bema nega idoinai Iesu ita lalohadailaia, do ita goada. Ia mero maragi Betelehem ai negana ita laloa diba; Ia vanagi ai Galilee gohuna ai Ia hanaia ita laloa diba; hutuma Ia hadibadia. Ia ese Satauro dorinai Ia mase, ita laloa diba. To hereadaena be, ita Iesu Ena laulau ita lalohadailaia nega iboudiai.

Emu hari hari gauna negea kava lasi, to gaukaralaia Dirava Ena ura hegeregere.

DINA NO. 5.

Genese 3: 9.




"Edeseni oi noho?"

Tau ta ia boirimu neganai, oi haere nega tamona? "Edeseni oi noho?" Lau laloa nega momo tau ta ia boiboi inai bamona, oi hemarai sisina badina be oi noho gabuna, eiava oi karaia gauna be namo lasi.

Oi be tau ginigunana lasi inai bamona. Inai hemarai be Adam bona Eve idia matamaia. Au huahua mai taravatuna idia ania murinai Dirava ena boi-boi idia kamoni. "Umui be edeseni?" Idia haere henia? Lasi! Idia heau bona au lalonai idia hunia! Au rauraudia amo kopidia idia koua, to Dirava ia davaridia. "Dahaka umui karaia?" Ia nanadaidia.

Adam ese Eve ia samania bona Eve ese Satani ia samania. Kerere be idia hunia diba lasi. Tau idauna samania be hegeregere lasi. Eda karadika ita hunia diba lasi. Oi lalomu ia moale diba lasi, bema emu karadika ta oi hunia. Sedira taunimanima idia diba lasi, to Iesu gau ibounai Ia diba. Gwauataona oi abia dala tamona mo dekenai. Inai dala be emu dika oi gwauria hedinarai.

Tau idauna ta oi samania, oiemu dika dainai? Dika ta oi hunia? Oi laloa tau do ia davarai lasi?



DINA NO. 6.

Mataio 4: 17.

Helalo Kerehai

"Helalo kerehai" Inai bamona Ioane Bapatiso, ia harorolaia tano gagaena dekenai.

"Helalo kerehai" Iesu danu inai bamona ia harorolaia lou, pura haida gabediai, Galilea dekenai.


"Helalo kerehai" Inai bamona Petero ia haroro Lauma Helaga Ia diho mai dinanai. Taunimanima idia nanadaia "Dahaka ita karaia?" Helalo kerehai, helalo kerehai, helalo kerehai. Peroveta bona Apose-tolo iboudiai idia gwauraia!

Taunabunai, inai be gau badana ta iseda mauri lalodiai. Ena anina be dahaka? Helalo kerehai anina, be mai hemarai bada, bona sori bada danu emu kerere, oi gwauraia hedinari, bona oi gwauhamata momokani oi do karaia lou lasi. To lasi. Tau ta ia gwau "Lauegu kerere lasi." Tau ta ma ia gwau, "Inai gau be badana lasi." "Lau laloa lasi," mero ta ia gwau. "Inai be karadika lasi," kekeni ta ia gwau. Inai bamona ita hereva be haraga, to Iesu ia boirida ita helalo kerehai.

Sori ita gwauraia be auka. "Sori" be hereva aukana. To dala ma ta be lasi, ita ura eda mauri ita hamaoromaoroa neganai. Oi karadika neganai, oi be moale lasi ela bona "sori" oi gwauraia. Oiemu turadia danu idia moale diba lasi ela bona oi helalo kerehai.

DINA NO. 7.

Salamo 51: 4.



Oi Vairamu ai egu dika


Oi karadika neganai, emu sori daladia be toi.

Sori No. 1. be sibomu daimuai oi sori. Ena ladana ta be "sibona bogaiahisi." Inai sori be namo lasi. Oi sibomu be lalometau, bona idau taudia danu oi lalometau henidia. Sibomu mo oi laloe, bona oi-emu hisihisi mo.

Sori No. 2. be idau taudia dainai oi sori. Siri ta ia gwau: "Tau ta lasi sibona mo ia hadikaia karadika amo." Anina be, dika ita karaia neganai, idau taudia danu dika mamina do idia abia. Inai sori be ia maoro, to hegeregere lasi.

Sori No. 3. be hereadaena. Ia be mai lalomu parara oi diba oiemu dika ese Lohiabada Iesu ia hadikaia. Oi sori Iesu dainai. Karadika ena badina be gwauedeede bona kamonai lasi Iesu dekenai. Karadika be nega ibounai Iesu ia hadikaia. Karadika ese Iesu ia hadikaia bada, to taunimanima ia hadikadia sisina. Iseda dika ese Iesu kudouna idia hadikaia, Satauro dorinai Ia mase neganai. Una dainai David ia helalo kerehai neganai, ia guriguri, "Oi dekenai, Oi sibomu dekenai, lau dika bada karaia oi vairamu ai."

Mani oiemu dika oi laloe. Iesu ena hisihisi emu dika dainai oi laloe. Inai murinai do oi helalo kerehai korikori hamatamaia.



DINA NO. 8.

Salamo 142: 7.

Dibura ruma amo ia lao

Dibura ruma idau idau idia kouda diba. Haida be inai bamona.

1. GARI. Oi gari gau ta ia do hedinarai garina. Tau ta ia hagarimu. Gorere, o hisihisi, o dogeta ese idia hagarimu. Ladadia haida be lalo hekwakwanai, o hemarai, to ladana korikori be gari.

2. HEKOKOROKU. Oi laloa be oi sibomu namo hereadae. Sibomu emu kara oi hedinaraia, bona idau taudia oi lalo dika henidia. Tau ta bema ena kara ese oiemu kara ia hereaia, oi lalomu ia hisihisi. Tau ta ena gau be namo sisina mo, eiava ena aonega be maragi, oi badu henia. Inai be hekokoroku, be dibura rumana ta.

3. BADU. Bema oiemu ura oi abia diba lasi, do oi badu a? Tau ta ia botaimu eiava ia hahisimu, oi lalo dika henia. Nega haida hereva dika oi gwauraia emu lalokau tau dekediai. Inai be dibura ruma dikana.

Karadika maragidia idia tubu haraga, nadi habana bamona idia hahegeda, bona Satani ia kouda ena diburai. Oi moale diba lasi unuseni. Oi heau diba lasi, oiemu goada be hegeregere lasi. Iesu sibona mo ia karaia diba. Ia be mai ena "key", iduara kehoa gauna.

David ia noinoi, "Laumagu oi halasia dibura amo, bona oi ladamu lau hanamoa."

DINA NO. 9.

Rome 6: 23.



Davana eiava Harihari

"Karadika ena davana be mase, to Dirava Ena harihari gauna be mauri hanai hanai."

Tau ta ia gaukara murinai davana do ia abia. Bema karadika ita karaia, davana do ita abia. "Karadika davana be mase," hereva anina be laumada idia mase. Hari dina bema dika ta oi karaia, vadaeni - emu davana be mase, to Iesu Lohiabada Ia lalokau henimu bada. Ia ura lasi inai davana oi abia. Dahaka ia karaia inai davana Ia kokia totona?

Pura dokonai gaukara taudia idia gini noho, edia davana idia abia gwauraia. Oi laloa Iesu ia mai davana patana dekenai. Davana pusedia rua idia noho unusenai. Ta ladana be mauri, ta ladana be mase.

Iesu Ia nanadaia, "Edana be lauegu?"


"Oi karadika ta oi karaia lasi. Oiemu be mauri."

Bena daika do mase ia davaria?

Haere be, lau ese, badina lauegu karadika dainai. Bena lau laloa, Iesu sibona ia gwau, "O, Lasi, Lau ura lasi mase ia davaria, badina lau ura henia. Lau sibogu inai tauna ena davana lau abia, bona Egu davana do lau henia." Iesu ese mase Ia abia.(iseda davana Ia abia.)

Inai dainai, bema Ena davana ita abia, harihari gauna bamona, vadaeni mauri hanai hanai ita davaria.

Bema hari hari gauna oi abia vadaeni, namona be, oi tanikiu henia, to bema lasi, namona be oi naria lasi, to hari oi abia.



DINA NO. 10.

Heberu 12: 2.

"Iesu ita itaia noho"

Inai be lalohadai namo herea, ani?

"Iesu ita itaia noho," anina be, oi laloa noho; dahaka la ura lau karaia hari hari? Oi laloa danu, "Edana bamona la ura Ena gaukara lau karaia?"

Bema Iesu oi itaia noho (laloa loulou), oi-emu mauri ia do haidaua bona hanamoa. Oi gadara neganai Iesu oi laloa diba. Oi sikuli gaukara karaia neganai, Iesu oi laloa diba. Ruma gaukara oi karaia neganai, Iesu oi laloa diba. Bema Iesu oi laloa, oiemu kara do oi hanamoa, badina be oi ura oiemu kara iboudiai idia do Iesu hamoalea. Paulo ena sisiba Timoteo dekenai be inai bamona, "Dirava hamoalea karadia oi tahua, bena oi do hemarai diba lasi."

Inai siri, "Iesu ita tahua noho," hereva ani-na be matada ita negea Iesu dekena. Nega haida iseda mauri daladia be auka, ororo badadia idia kouda bamona. Matada ita negea Iesu dekena neganai, inai ororo idia hamaragi karaia ela bona idia be tano palaka bamona.

Idau taudia ita itadia kara be haraga, Iesu ita itaia kara be auka. To idau taudia, ena be idia namo, idia be dika taudia, bona idia do hakauda kerere. Inai be mamoe haida bamona. Idia mamoe haida edia muridia raka, to mamoe naria tauna idia laloaboio.

Oi Iesu itaia hari dina? Hari oi karaia toho namonamo, bona karaia nega ibounai.

DINA NO. 11.

Mataio 14: 30.




Lohiabada, Oi hamaurigu

Taunimanima haida idia ura guriguri latadia gwaurai, to nega haida guriguri kwadogidia be namo, bona latadia be dika.

Hari, lau ura guriguri ta oi laloa, hereva toi mo, to ia be namo. Petero ia ranu kopinai ia raka Iesu dekena sivaraina oi laloatao? Matana ia negea Iesu dekena neganai ia raka ranu kopina, to matana ia atodia diho neganai hurehure mo ia itaia, ia gari, ia mutu hamatamaia, bena ia boiboi goada, "Lohiabada, Oi hamaurigu." Ena guriguri be kwadogi, hereva toi mo, to noinoi namona. Iesu ese imana goadana amo Petero Ia dogoatao kara haraga.

Inai guriguri be namo herea, ani? Lau laloa inai guriguri ita noia loulou be namo. Raka ranu kopinai kara be auka herea, to Iesu Ena ura ita karaia be auka herea danu. Ita karaia diba lasi, ela bona ita Iesu itaia noho, bona abidadama henia nega ibounai. Matada ita negea siri ita mutu bamona (Petero bamona). Siboda ita hamaurida diba lasi, to Iesu Ia karaia diba.

Kara dika ta ia hamutumu hamatamaia? Kara haraga oi noia, "Lohiabada, Oi hamaurigu". Oi mutu hamatamaia neganai, Petero ena guriguri oi laloa. Guriguri namona be inai, "Lohiabada, Oi hamaurigu".



DINA NO. 12.

Rome 3: 23.

Iboudiai idia dika karaia vadaeni

Nega momo Dirava ese Buka Helaga lalonai, Ia hamaoroda ita be karadika taudia. Karadika tauna, anina be dahaka?

Miniti ta ta Dirava be mai Ena palani iseda mauri lalonai. Ena palani ita badinaia lasi neganai, inai be ita dika karaia. "Iboudiai idia dika karaia vadaeni, Dirava Hairaina idia hahegeregere lasi."

EXAMINATION murinai, umui naria namonamo ela bona emui maka umui abia. Tau ta ia kwalimu namo herea, ena maka be 90. Tau ta ia moru, ena maka be 10 mo. To taunimania ta lasi maka be 100 ia abia. Sedira maka 50 oi abia neganai, vadaeni examination lalonai oi kwalimu. To, Dirava Ena examination lalonai kwalimu maka be 100 mo. Maka 10 bona maka 90 taudia be kwalimu lasi taudia, idia be karadika taudia Dirava vairanai.


Inai be hereva aukana, ani? Dahaka ita karaia diba? Ita diba iseda kara be hegeregere lasi Iesu vairanai. Nega ibounai iseda kara be kwadogi bamona, Dirava ena palani ita hegeregere lasi.

Ita sori momokani neganai (helalo kerehai), Iesu ita noia Ia hamaurida. Una neganai iseda dika Ia do laloaboio. Bena Ia do duruda ita kwalimu nega iboudiai.

Hahediba tauna ia bamomu examination lalonai, bona question ta ta ena haere ia henimu. Inai bamona do Ia bamomu bona hadiarimu.

DINA NO. 13.

Galatia 2: 20.




Dirava natuna Ia lalokau henigu bona sibona Ena mauri Ia henia lau dainai

Dahaka dainai Iesu Ia lalokau henimu? Nega momo Iesu oi laloaboio. Nega momo oi abidadama lasi Iesu. Nega momo Iesu dekenai oi gwauede—ede. Nega momo oi sori lasi oi dika karaia neganai. Karadika oi karaia lou, karaia lou, to Ia lalokau henimu noho. Inai be hoa gauna, ani?

Bema tau ta ia ura henimu momokani, hari—hari gaudia ia henimu, bona kara namodia ia karaia oi dekenai. Iesu Ena lalokau ia hegeregere mase Ia abia oi dainai. Satauro dorinai ia mase neganai, ena mauri Ia henia vadaeni oi dekenai. Inai be harihari gauna momokani, ani?

Tau dikadia idia kwadia bona hevaseha henia, bona kokoa Satauro dekenai. Sedira unai neganai Iesu Ia laloa inai bamona, "Inai hisihisi bada Lau ania be mai anina, o lasi?" To, inai murinai, lau laloa, Ia laloa oi. Oi emu ologami bona dika Ia laloa dainai, sibona Ia laloa, "Oibe, inai tau Lau hamauria be dala tamona mo, mase. Inai hisihisi Lau ania be mai anina. Vadaeni, Lau do karaia ela bona dokona." Ioane ia torea inai bamona, "Ena abia hidi taudia Ia ura henidia ela bona dokona." Inai be oi.

Una dainai, hari hanuaboi, oi guriguri neganai, Iesu Ena hisihisi bada oi laloa, bona oi laloa, "Ena hisihisi bona mase be lau dainai."



DINA NO. 14.

Ioane 19: 30.

Gaukara be ore vadaeni

Inai bamona Iesu ia boiboi Ia mase Satauro neganai. Inai boiboi be kwalimu toana. Ena gaukara Ia haorea vadaeni. Ia ese Satani ia hadarerea vadaeni.

Dina ta, tau ta ia nihi ia be Iesu ida. Bena pepa momo idia hedinarai. Nihi tauna ia hoa bada badina inai pepa ta ta lalonai be ena karadika ta ta be hetore. Inai pepa ta ta ia itadia namonamo, dika ta ta ia duahia, bena ia diba vadaeni inai toretore be maoro. Inai tauna ia gari. Ia laloa, "Dahaka Iesu do ia laloa, egu dika itaia neganai?"

Vadaeni, Iesu ia gwau, "Pepa iboudiai oi gogoa bona mailaia Lau dekenai." Tauna ia ura heau bona hunia gabu ta, to dala lasi. Taunabunai ia gogodia lao, to ia hemarai bada. Ia Iesu koia diba lasi. Iboudiai ia henia Iesu dekenai.

Iesu ia abidia. Ia kokodia kau Ena Satauro dorinai, bena Ia gwau, "Gaukara be ore." Gau be vadaeni bona ore! Nihi be namo herea, ani? Ena matamai be gari bada, to ena dokona be moale bada.

Inai bamona Iesu Ia karaia diba oi dekenai. Oiemu karadika iboudiai oi mailaia Ia dekenai. Oiemu karadika Ia ura henia lasi, to oi mai neganai Ia do hadikamu lasi. Dika iboudiai Ia do kokoa kau, Satauro ai, bena dika be ore vadaeni.

DINA NO. 15.

Exodus 12: 13.



Rarana be toa ta oi dekenai

Badina dahaka Lohiabada Iesu Rarana sivaraina ita ura henia bada? Badina inai be Toa Ta. Inai toa ita laloa, gau namodia momo ita laloa danu.

1. Inai toa anina ta be Iesu Ia Dirava Ena mamoe. "Mauri be Ia rarana lalonai." Inai rarana be gau hereadae, badina be ia Tau hereadaena Ena. Inai Rarana be Dirava Natuna Ena Mauri Rarana.


2. Iesu Ia mase ita dainai neganai Rarana Ia bubua. Taunabunai, Rarana be Ia lalokau henida bada toana.

3. Iesu Rarana ese iseda karadika ibounai ia huria. Taunabunai ia be karadika taudia gwaudia tao bona dika amo hamauridia toana. Inai Rarana sibona mo be karadika kokia muramurana.

4. Iesu ita noia Ena rara amo Ia hagoevada neganai, inai be ita abidadama henia Iesu toana ta. Inai be ita daradara lasi Ia hamaurida toana.

5. Rarana be ita mauri davarua toana. Dirava Ia gwau, "Rarana Lau itaia neganai Lau do hamaurimu, gimamu bona narimu.

Inai gaudia ita laloatao Iesu Rarana ita laloa bona herevalaia neganai. Lalomu ia parara Iesu Rarana be hairai gauna momokani? Eda Lohiabada Rarana dainai ita tanikiu henia mailaloda idoinai ida?



DINA NO. 16.

Apokalupo 12: 11.

Idia hadarerea mamoe rarana amo

Lohiabada Iesu Rarana lalonai siahu bada herea ia noho, Dirava Ena siahu. Iesu Ena rara la bubua dinanai, Ia ese Satani Ia hadarerea. Inai tanobada ena tuari hereadaena be unai, badina be Iesu sibona mo ese Satani mai ena kahana taudia iboudiai Ia hadareredia. Satani ese Iesu Ena mase ia itaia Satauro dorinai, ia laloa ia do kwalimu haraga. To ia Iesu ia hadikaia diba lasi. Iesu Ia boiboi, "Gaukara be ore vadaeni neganai, diabolo ia diba vadaeni ia keto, to Iesu ia kwalimu.

Taunabunai, Iesu Rarana ita laloa neganai, Satani ia keto dinana ita laloa. Inai gau dekenai Satani ia hemarai bada. Bema ita siboda heatu henia Satani, ita be hegeregere lasi. To bema Iesu Rarana ita gwauraia, nega tamona Satani ia heau!

Rarana Ia bubua
Ita dekenai ia kau,
Nega ibounai Satani
Mai gari bada ia heau.

Taunabunai Satani ita hadarerea diba, Iesu Rarana ena siahu dekenai. Iena kwalimu Satauro ai, ita danu ita abia diba. Iena kwalimu moalena ita abia diba danu, badina Iesu Rarana Ia henia ita dekenai.

DINA NO. 17.

Leviticus 1: 4.



Iseda gabu la abia


"Imana ia do atoa mamoe latanai, vadaeni, inai be karadika igwauatao toana."

Israel tauna ia dika karaia neganai, mamoe ta ia mailaia dubu dekenai. Unuseni, imana ia atoa mamoe kwarana latanai, bona ena karadika ia gwauraia hedinarai. Inai be ena dika ia atoa mamoe kwaranai toana. Unai murinai mamoe idia alaia.

Imana ia atoa mamoe kwaranai, anina be ia abidadama henia ena hahemauri toana. Ena dika ia gwauraia hedinarai anina be ia diba ena dika. Mamoe ia mailaia boubou totona, anina be ia diba davana be mase karadika dainai, to mamoe ia mase ia boloa totona. Dirava la gwauhamata henia, bema tau ta inai bamona ia karaia, ena dika la do gwauatao, bona la do abiadae danu. Karadika idia dogoatao taudia Dirava la negea (dadaraia), badina be la ura karadika haorea. To bema iseda dika ita atoa mamoe latanai, inai mamoe iseda mase ia ese abia diba.

Umui diba Iesu be Dirava Ena Mamoe. Ia mase ita dainai. Taunabunai hari neganai karadika kokia dalana ia noho. Bema iseda dika idia noho ita do mase, to bema iseda dika ita atoa Iesu latanai, ita do mauri davaria.

Oiemu dika oi gwauraia hedinarai neganai, Iesu Ena mase oi laloa. Iseda Lohiabada Satauro dorinai iseda dika la abidia lao. Unu amo oi diba karadika be gari bada gauna, bona oi diba Lohiabada Iesu be Hahemauri Tauna badana.



DINA NO. 18.

Efeso 1: 3.

Keriso lalonai

Inai siri be, "Lohiabada Iesu Keriso Ena Tamana Dirava hanamoa. Ia hanamoda vadaeni, Lauma hari hari gaudia iboudiai amo, Keriso lalonai."

Iesu be maua namo herea bamona. Inai maua lalonai, gau namodia iboudiai idia noho. Gau haida mo lasi, to Lauma ahenamo gaudia iboudiai. Gau iboudiai ita davarua Keriso lalonai.

Unai dainai, bema oi abiadae Lohiabada Iesu oi kudoumu lalonai, bona oi abidadama henia, Ia be oiemu Hahemauri Tauna, vadaeni, oiemu mauri hanamoa gaudia iboudiai oi abia.

Salamo 23 ia gwau, "Lohiabada be lauegu hakaia Tauna. Inai sibona lau ura." Hereva namona, ani? Iesu ese oi kudoumu Ia vareai neganai sisina mo Ia henimu lasi, to Laumana idoinai Ia henimu. Iena Lauma idoinai bona Ena gau ibounai danu nega tamona Ia henimu.


Iesu be taga Tauna. Ena mauri ibounai be oiemu. Ena gaukara ibounai be oi dainai. Ena gau ibounai be oiemu. Lauma ahenamo gaudia iboudiai ita davarua Keriso lalonai. Ena gau idia hamoalemu.

Hahine ta ia ogogami herea. To ia mase neganai, moni momo herea idia davarua ena rumai. Taunimanima idia gwau, "E, hahine kavakavana", "Ia be taga herea, to ia mauri neganai ogogami mo ia hedinarai."

Oi danu inai bamona?

DINA NO. 19.

Mataio 22: 37.



Mai lalomu idoinai

Dina ta tau ta Iesu dekenai ia mai. Ia nana-daia, Taravatu idoinai ai, edana be hereadae. Iesu Ia haere, "Oiemu Dirava oi lalokau henia mai lalomu idoinai." Unu amo ita diba inai be taravatu hereadaena.


Lohiabada Dirava oi Lalokau henia mai lalomu idoinai, Oï noia oi lalomu kahana idoinai Ia vareai.

Gaukara, gadara negadiai, Dina ta ta, Lohiabada oi lalokau henia mai lalomu idoinai.

Lalokau henia sisina mo eiava nega haida, be hegeregere lasi. Iena ura be ita lalokau henia nega idoinai, hadokoa lasi ena be gaukara, eiava gadara, eiava dahaka ita karaia. Oi lalomu be ruma bada herea bamona, daiutu momo be lalonai. Iesu ita noia Ia vareai iduara tamona mo be hegeregere lasi. Inai ruma lalonai be iduara idau idau, bona daiutu idau idau. Ta ladana be sikuli gaukara, ta ladana be gadara, ta ladana be eda laga-ani negana, ta ladana be konenoho, ta be eda hetura kara, bona momo inai bamona.

Iesu oi noia Ia oi lalomu kahana iboudiai Ia vareai, eiava lasi? Hari dina karana oi laloa. Nega ta Iesu oi atoa murimuri ai?

Bema inai bamona, namona be oi noia Ia gwaumu tao. Inai murinai oi noia oi lalomu dibura gabudia Ia ahedinaraia, ela bona kahana iboudiai lalonai Ia vareai.



DINA NO. 20.

Galatia 2: 20.

Lau lasi, Keriso sibona

"Lau ura inai kara lau karaia."

"Lau ura lasi unai kara lau karaia."

Nega momo inai bamona oi herevalaia eiava laloa, ani?

"Iesu Ia ura inai kara lau karaia."

"Iesu Ia ura lasi inai kara lau karaia."

Nega hida inai bamona oi laloa. Sedira, nega ta o rua mo. Inai kara toana be dahaka? Anina be nega momo "lau" oi laloa, to nega sisina mo Iesu oi laloa. Inai be "Keriso lasi, to lau." Inai be hegeregere lasi eda Baibel siri ai.

Iesu Ena kara be idau herea! Ia mero laganina 12 neganai, ia gwau, "Lau Tamagu Ena gaukara Lau ura karaia." Iena ura Ia karaia lasi to Dirava Ena ura mo Ia karaia. Ena mauri dinadia iboudiai inai bamona Ia karaia. Iena mase ia kahirakahira neganai Ia gwau, "Lauegu ura lasi, Oiemu ura mo."

Namona be, oi danu inai bamona oi karaia. Oiemu ura be dahaka, sibomu oi hamoalea, eiava Iesu oi hamoalea? Edana be hereadae? Taunimanimania idia laloa momo oi, eiava taunimanimania idia laloa momo Iesu? Bema sibomu mo oi laloa, oi be mata ganigani tauna. Mata ganigani taudia idia moale abia diba lasi. Taunimanimania idia ura lasi mata ganigani taudia. Oiemu inai badana be sibomu, bema Keriso oi atoa guna oiemu mauri lalonai.

DINA NO. 21.

Luka 2: 51.



Edia ura Ia karaia

Inai be Iesu Ena kara. Tamana bona sinana Ia kamoni henidia. Varani ita laloa Iesu Ia Tamana Ia noho gubai kamoni henia karana. Hari ita laloa Ia kamoni henia tamana bona sinana idia noho tanobadai.

Memero bona kekeni edia tamadia sinadia idia kamoni henidia mai hesiku bada, ani? Lau laloa Iesu danu mai hekwarahi sisina Ia kamoni henidia. Nega haida, Ia laloa Ena diba be bada bona edia diba be maragi! Ia Manau Noho. Laloaboio lasi, bema tamamu bona sinamu oi kamoni henidia lasi, inai be oi lalokau henidia lasi. Hari dina tau ta ia gwau henimu inai bamona, "Oi gwauedeede lasi." Bema gau ta oi karaia neganai tau ta ia koua toho, oiemu dala be auka, ani? To Iesu ese inai kamoni henia karana Ia karaia vadaeni, bona Ia ura Iena kara hegeregere ita karaia. Iesu Ia hamaoromu gau ta oi karaia, vadaeni, kara haraga oi kamoni henia bona karaia.

Idau taudia oi kamoni henidia lasi. Bema idau taudia iboudiai oi kamoni henidia, dohore oi be dika bona kava. Namona be oi ura henia bona abidadama henia taudia sibodia oi kamoni henidia, badina be maoro daladiiai idia do hakaumu.

Abidadama bona kamoni,

Dala ma ta be lasi

Iesu Ena moale ita abia

Bema ita abidadama bona kamoni.



DINA NO. 22.

Iakobo 1: 12.

Hedibagani amo ia kwalimu tauna be moale

Nega haida tau ta inai bamona lau nanadaia, "Kristian mauri dalanai, oiemu noho be edana bamona." Inai tau ia haere henigu, "Namo herea, tanikiu." Bena lau laloa, "E, toana be namo lasi."


Kristian mauri dalana be haraga taina lasi. Keriso Ena murinai raka karadia oi habadaia, mauri aukana (o hekwarahi) ia habadaia danu oi dekenai.

Satani ese nega idoinai ia tahuda. Kamonai maragi Kristian tauna ta ia davarua neganai Satani ia gwau, "Lau do dibagania lasi badina ia laloa bada lasi Iesu." To Kristian namona ia itaia ia gwau, "Kara haraga! Inai tauna ia Iesu dalana raka namo herea, lau do dibagania, dibagania, ela bona hisi-hisi ia ania dainai Iesu Ena dala ia rakatania.

Taunabunai, unu amo oi diba hedibagani be toa namona. Oi kara maoro maoro neganai hedibagani idia mai. Hedibagani be kerere lasi. Iesu sibona danu hedibagani momo herea ia mamia, oiemu be maragi, Iena be bada. Unai dainai bema hedibagani momo idia mai oi dekenai, oi Dirava tanikiu henia. Kilikiti oi gadaralaia? Satani be bolo negea (tahoā) tauna bamona, oi be bolo botaia tauna bamona. Hedibagani ia negea (tahoā) oi dekenai, haida be haraga, haida be metaira metaira, ia hamasemu totona. To oi laloaboio lasi, bema bolo negea tauna be lasi, bolo botaia ahuna danu be lasi!

DINA NO. 23.

Luka 23: 34.



**"Tamagu, oi gwaudia tao,
badina idia diba lasi dahaka idia karaia."**

Nega haida, taunimanima idia hahisimu dala idau idau amo. Nega haida badu herevadia amo. Nega haida kara dika amo. Idia ura hadikamu ela bona oi ura lasi, bona oi ura botaia.

To inai kerere ia vara neganai, Iesu ese la hadibada vadaeni dahaka ita do karaia. Tatau toi idia hasatauroa. Rua idia hereva dika, to ihatoina (Inai be Iesu), la hereva dika taina lasi. la guri-guri mo inai bamona, "Tamagu, oi gwaudia tao, badina idia diba lasi dahaka idia karaia."

Idia hahisimu Iesu Ena hisihisi hegeregere? Lasi. Una dainai oi be maoro lasi oi badu neganai, eiava tau ta oi badu henia.

Dala namona be, karadika ita ura henia lasi, to karadika tauna ita ura henia bona durua. Dirava Ia karadika badu henia, to la dika tauna lalokau henia. Inai bamona ita karaia be namo.

Bema Satani ena hedibagani amo ita tau ta badu henia, Satani ia moale bada. Dina gabenai, bema tau ta ia habadumu, kara haraga oi Iesu noi noi henia la gwaumu tao bona la durumu oi lalokau henia. Bema oi guriguri ia dekenai, Iesu la guri-guri bamona. Oiemu guriguri dekenai hahemaui ia davaria be gau namona, ani?



DINA NO. 24.

Ioane 15: 4.

Lau, Oi badinagu

Lohiabada Iesu ese vine mai vine huahuadia sivarai ia gwauraia. "Rigi ese vine ia badinaia hegeregerena, namona be umui danu Lau oi badi-nagu." Rigi ena gaukara korikori be vine huahuadia ia do havoraia. To bema rigi ese vine ia badinaia lasi, huahuadia idia vara diba lasi.

Sivarai anina be inai. Namona be Lohiabada Iesu ita badinaia. Iesu ida ita noho, gau iboudiai ita karaia diba. To ita badinaia lasi, gau ta ita karaia diba lasi.

Iesu badinaia kara, anina be dahaka? Anina be, ita Iesu laloatao, bona abidadama henia, Ia do gwauda tao, hakauda, duruda, nega ibounai.

Dina ta, Iesu Ia gwau, "Lau dekenai umui mai, hekwarahi bona boera taumui, laga-ani Lau do henimui." Eda goada mo ita gaukaralaia, nega sisina ita manoka bona hekwarahi ita davarai. Eda gaukara be auka bona hedibagani be goada herea. Unai dainai Ia boirida, "Sibomu hekwarahi lasi. Oi mai Lau dekenai, oi badinagu, bona Lau do laga-ani henimu".

Ita gaukara, o dahaka ita karaia neganai, Iesu ita badinaia, Ia duruda nega ibounai.

DINA NO. 25.

Ioane 15: 5.



Huahua gogoa negana

Edana huahua Lohiabada Iesu Ia ura davaria eda mauri lalodiai? Inai henanadai, be Paulo ese ia haere vadaeni. Inai bamona ia hereva.

Lauma Ena huahua be inai:-


Lalokau	Moale	Maino
Haheauka	Manada	Kara namo
Abidadama	Manau	Kekero lasi.

Inai gaudia be huahua namodia, ani? Lohiabada Iesu ese inai huahua Ia davaridia emu mauri ai? Emu kara hari dinai mani oi laloa. Inai gau namodia Iesu ia davaridia egu mauri ai hari dina?

Sedira, idau gaudia Ia davaridia.

Badu	Mau mau	Gari
Haheauka lasi	Dagedage	Hebogahisi lasi
Dara dara	Lalo auka	Mata ganigani.

Dahaka oi karaia inai gaudia kokidia totona? Sibomu emu goada amo hua hua namodia oi havaraia diba lasi. Bema oi karaia toho inai lalokau, moale, maino, bona gau haida danu oi abidia, oiemu toho karana be hegeregere lasi. Ia be idau huahua ta oi kwatua au ta dekenai bamona. Dala maorona be tamona mo. Inai be Iesu oi noia, Ia hagoevamu. Unai murinai oiemu badu bona edana dika Ia do hagoevadia. Inai badu Ia do kokia, bona ena gabu ai Ena lalokau Ia do atoa. Unai dala dekenai hairai Ia do abia.



DINA NO. 26.

Ioane 15: 2.

Rigi utu-utu

Vine ena namo bada be hua hua, rigi be gau maragina mo. Iesu Ena parabole lalonai, oi be rigi, bona huahua be Lauma Ena kara namodia.


Vine naria tauna be nega idoinai rigi ia utudia, badina be ia ura lasi vine ena goada ia vareai rigidia dekenai. Ia ura ena goada momo ia vareai huahua dekenai. Ia ura rigi be momo lasi, to huahua be momo herea.

Anina oi kamoni diba? Anina be, sibomu be maragi, to emu huahua be bada.

Mani, inai bamona oi laloa. Nega haida kara-dika ta lalodai ia tubu matamaia. Ia tubu haraga ela bona ia goada bona bada. Inai be rigi badana bamona. Namona be utu utu tauna ia hamaragia haraga. Nega haida kara dika ta ia tubu ela bona ia bada herea. Namona be ia maragi neganai Iesu ita noia Ia hamaurida, to ita hesiku dekenai ita naria ela bona ia bada. Inai kara be kava, badina inai dala dekenai huahua ita hadikaia.

Nega haida rigi ita ura momo, bona huahua ita laloa lasi. Inai anina be eda karadika ia hamoaleda ena be ita diba ia ese huahua ia hadikaia. Ita diba inai be kerere, to ita gwau, "Lau laloa lasi, inai be gau bada lasi." To ita laloa kerere. Karadika oi karaia neganai, kara haraga Iesu dekenai oi lao, dika badana o dika maragina. Iesu ese Ia do utua ia bada garina.

Ioane 8: 12.



Lau be tanobada ena Diari


Dibura be hunia gauna, diari be hedinarai gauna. Guba amo Iesu la diho mai, Diari la mailaia tanobada totona. Ena noho gabudia iboudiai Diari be bada, to Ena Diari hereadaena be Ena mase Satauro dekenai.

Iesu la mase Satauro ai ita laloa neganai, ita itaia goevagoeva Dirava toana. Ena kara be edana bamona? Ena lalokau be hereadae. Ia be manau herea. Ena haheauka be hereadae. Ia be gari tauna lasi, ma kara namodia momo danu.

Iesu Satauro ai ita laloa, toa ma ta ita itaia - ita siboda toada. Eda mauri toana ita itaia. Inai be hoa gauna, ani? Ia taua dae unuseni neganai Dirava ese karadika Ia halaoa. Daika ena dika Ia huaia? Oiemu. Oi itaia dahaka oiemu dika idia karaia Iesu dekenai Satauro ai. Oiemu dika ese Ena kudouna idia hamakohia, bona alaia mase. Unai be iseda dika kara-na. Unai be oiemu kara Iesu dekenai.

To Dirava ita tanikiu henia, Iesu Ena mase be iseda dika davana mo lasi, to Ia huaia oho, bona unu amo Ia hamaurida. Inai murinai Ena Hahemauri hereva momokani ita do diba. Dirava Ena Diari mo inai lalo parara ia henida diba.

Diari ese ia hedinarai Dirava be goevadae bona ita be dika. Inai mo lasi. Ia hedinarai Iesu ese dika taudia idia mai Ia dekenai dalana Ia kehoa. Iesu Ia gwau, "Lau be tanobada Diari." "Lau murigu raka tauna, ia raka dibura lalonai lasi, to mauri Diarina ia abia."



Ita raka Diari lalonai

Nega momo Buka Helaga ese dibura lalonai raka herevana, bona diari lalonai raka herevana ia herevalaia. Dibura lalonai raka karana ena anina korikori be kara hunia. Diari lalonai raka karana anina be kara hedinaraia taunimanimia idia itaia bona diba. Inai hereva anina be, iseda mauri lalodiai, gau ta ita hunia lasi, gau namona eiava gau dikana.

Iesu la boirida, diari lalonai, la danu ita raka. Iesu be Diari. Bema ita ura bada, hesiku lasi, Diari lalonai ita raka diba.

1. HETURA KORIKORI ITA ABIA DIBA. Dibura ai oiemu noho be dika, tau ta ia diba lasi oi bona hetura oi abia diba lasi. Inai danu, dibura ai ita noho be karadikana. Dirava danu oi hetura diba lasi oi dibura ai oi noho negana. To oi ura diari ai oi raka vareai neganai, maoro maoro hetura ia matamaia diba, Ekalesia taudia danu, bona hereadaena, Iesu sibona ida danu.

2. GOEVA ITA ABIA DIBA. Hari siri ena do-konai ia gwau Iesu rarana ese dika iboudiai amo ia hurida. Taunabunai diari ai ita raka be gau bada herea. Bema eda kara dika ita hunidia, Iesu rarana ia do hurida lasi. To bema diari ai ita raka neganai mai hetura bona moale bada, bamoda danu ita ha-maorodia dahaka kara dikadia Iesu ese la huridia vadaeni! Ita do Iesu hanamoa, Gubai idia karaia bamona.

DINA NO. 29.

Ioane 15: 14.




Umui be Lau turagu

"Oi be Lau turagu", inai bamona Iesu 'ia hereva henimu. Inai be gau badana, ani? Iesu, Lohia-bada, Satauro dorinai Ia mase, to ia gwau oi be Ena turana ta. Inai be momokani dainai, mani oi laloa, oiemu kara be edana bamona bema oi be Ena turana.

1. Oi do laloatao Ia be nega idoinai oi dekemu ai, ena be oi itaia lasi bona dogoatao lasi.
2. Oi do ura bada oi **hamoalea** (oiemu moale oi laloa lasi) oiemu hereva amo, bona kara amo, bona lalohadai amo.
3. Oi do guriguri neganai Ia henimu gaudia mo oi do noia lasi, to oiemu lalohadai ibounai oi do hahedinarai, gau ta lasi oi do hunia.
4. Oi do abidadama henia, bona edana kara Ia ura, oi do karaia mai moalemu ida.

Hari dina inai gau oi karadia vadaeni?

Nega haida eda hetura Iesu ida be sisina ia hegeregere lasi. Bema bamomu ta oi dadaraia Iesu oi ura henia lasi bamona, ia danu do ia dadaraimu. To Iesu be mai ena haheauka bona hetura nega idoinai. Namona be hari sibomu oi laloa, "Lau be turana namona eiava dikana Iesu dekenai?" Unai murinai sedira namona be oi noia Ia gwaumu tao oiemu dika gaudia amo, bona Ia do durumu vaira dinadi ai.



DINA NO. 30.

Luka 24: 48.

Inai gaudia umui gwauraidia hedinarai

Iesu Ena ura be Iena gau haida oi hedinaraidia taunimanima vairadiai. Ena mase bona toreisi lou la ura ita hahedinaraidia, to uduna dekenai sibona lasi. Ia ura eda kara amo ita hahedinarai.

Taunimanima momo idia diba vadaeni Iesu Ena mase bona toreisi lou sivaraina. To idia diba lasi edana bamona edia mauri daladia ia haidaua diba. Idia laloa, "Be vadaeni! Idaunegai momokani ia vara."

To bema Iesu Ena mase bona toreisi lou be mai anina korikori emu mauri ai, taunimanima vairadiai oi hahedinarai diba.

Iesu ese Ena hahediba taudia Ia hamaorodia Iena gau idia gwaurai hedinarai, helalo kerehai bona karadika gwauataona amo. Anina be, taunimanima ita hamaorodia inai bamona, "Lau be dika taugu, to lau helalo kerehai bona Iesu Ia hagoevagu vadaeni."

Bema inai bamona oi hereva, taunimanima idia do laloa momo lasi oi, to mai hoa bada idia do laloa momo Iesu. Idia do itaia oiemu kara be idau badina be Iesu Ia mase oi dainai, Ia hamaurimu totona, bona oi lalomu ai Ia noho nega idoinai. Inai be Lohiabada Iesu Keriso oi hedinarai kara korikori, oiemu hereva amo bona oiemu kara amo danu.

Oiemu hereva ia namo to oiemu kara ia dika be hegeregere lasi. Inai toa taunimanima idia itaia idia do diba oiemu kamoni be anina lasi. Oiemu kara be namo, vadaeni idia diba oiemu hereva be mai anina.

DINA NO. 31.

Apokalupo 22: 20.



Momokani, kara haraga lau mai

Taunimanimi haida idia laloa tanobada enā namo do ia habadaia karaia ela bona dokona. To Iesu be inai bamona Ia hereva lasi. Iesu Ena hereva be tanobada ena dika do ia habadaia karaia ela bona hoa kara namona do ia vara.

Iesu sibona do Ia lou mai ini tanobada dekenai. Taunimanimi iboudiai matadia amo idia do itaia. Inai be gari bada dinana Iesu ura lasi taudia dekediai, to Ekalesia (helalo kerehai bona abidadama henia taudia) do idia moale bada. Una negana ita do itaia bona Ia dekenai ita noho ela bona hanai hanai.

Tau ta ia diba lasi Iena mai dinana, eiava edana bamona Ia do mai, to ita diba Iena gwauhamata Ia do badinaia. Sedira Ia do mai hari hanuaboi. Inai be moale gauna, ani?

Oi noho hegaegae Iena mai dekenai? Oi be do hemarai bada, bema Ia mai neganai oi be karadika lalonai oi noho. Bema inai bamona oi laloa momo, ia do gimamu karadika amo. Bema oi karadika karaia, mani oi laloa, "Lau ura lasi Iesu Ia lou mai, bona egu dika Ia davarua, namona be lau helalo kerehai kara haraga."

Inai hereva, "Momokani, kara haraga, Lau mai" ita davarua Buka Helaga dokonai. Namona be, inai bamona ita haere henia, "Vadaeni, Lohiabada Iesu, oi mai."

